



Број: 05/1-50-15-26-15-3/22

Sarajevo, 9. 8. 2022.

ZAPISNIK

15. sjednice Nezavisnog odbora Parlamentarne skupštine BiH

Sjednica je održana 9. 8. 2022, s početkom u 17.15 sati.

Sjednicu je sazvaо Enes Obralija, predsjednik Nezavisnog odbora.

PRISUTNI ČLANOVI NEZAVISNOG ODBORA: Enes Obralija, predsjednik Nezavisnog odbora, Miše Ćavar, prvi zamjenik predsjednika Nezavisnog odbora, Uroš Pena, drugi zamjenik predsjednika Nezavisnog odbora, Muhamed Mujakić, Enes Bezdrob, Mate Miletić, Nikola Džambas, Darko Kremenović i Milan Stanić, članovi Nezavisnog odbora.

OSTALI PRISUTNI: Ivana Lovrić, koja obavlja poslove sekretara Nezavisnog odbora.

Sjednici su prisustvovali i Mirsad Vilić, direktor Direkcije za koordinaciju policijskih tijela BiH, te Dijana Stevanović, predstavница Delegacije Evropske unije u Bosni Hercegovini.

Sjednicom je predsjedavaо predsjednik Nezavisnog odbora Enes Obralija.

Konstatirajući da postoji kvorum, otvorio je 15. sjednicu Nezavisnog odbora Parlamentarne skupštine BiH.

Nezavisni odbor jednoglasno je usvojio sljedeći

DNEVNI RED

1. Usvajanje Zapisnika 13. sjednice Nezavisnog odbora;
2. Usvajanje Zapisnika 14. sjednice Nezavisnog odbora;

3. Zaključci Privremene istražne komisije Predstavničkog doma Parlamentarne skupštine BiH za utvrđivanje stanja u pravosudnim institucijama Bosne i Hercegovine, broj: 01-50-4-237-36/22 od 28. 7. 2022;
4. Razno.

Ad. 1. Usvajanje Zapisnika 13. sjednice Nezavisnog odbora

Zapisnik 13. sjednice Nezavisnog odbora usvojen je jednoglasno, bez primjedbi.

Ad. 2. Usvajanje Zapisnika 14. sjednice Nezavisnog odbora

Zapisnik 14. sjednice Nezavisnog odbora usvojen je jednoglasno, bez primjedbi.

Ad. 3. Zaključci Privremene istražne komisije Predstavničkog doma Parlamentarne skupštine BiH za utvrđivanje stanja u pravosudnim institucijama Bosne i Hercegovine, broj: 01-50-4-237-36/22 od 28. 7. 2022.

U uvodu u ovu tačku dnevnog reda predsjednik Nezavisnog odbora Enes Obralića istakao je da je ovo tijelo zaprimilo Zaključke Privremene istražne komisije Predstavničkog doma Parlamentarne skupštine BiH za utvrđivanje stanja u pravosudnim institucijama Bosne i Hercegovine, broj: 01-50-4-237-36/22 od 28. 7. 2022, a po pitanju svjedočenja zaposlenice Direkcije za koordinaciju policijskih tijela BiH, kao i tonski zapis 36. sjednice Privremene istražne komisije. Istakao je da je Privremena istražna komisija obavezala ovo tijelo da se do 15. 8. 2022. izjasni na navode iz svjedočenja zaposlenice Direkcije za koordinaciju policijskih tijela BiH. Također, istakao je da je s ciljem sagledavanja potpune informacije na sjednicu Nezavisnog odbora pozvan direktor Direkcije za koordinaciju policijskih tijela BiH Mirsad Vilić kako bi se izjasnio o svim navodima iz svjedočenja zaposlenice Direkcije za koordinaciju policijskih tijela BiH.

S obzirom na to da se u navedenom svjedočenju spominje predsjednik Nezavisnog odbora Enes Obralića, on se izuzeo iz rasprave i odlučivanja po ovom pitanju, te je napustio sjednicu do okončanja ove tačke dnevnog reda, a predsjedavanje je preuzeo prvi zamjenik predsjednika Nezavisnog odbora Miše Ćavar.

Prvi zamjenik predsjednika Nezavisnog odbora Miše Ćavar na početku rasprave o ovoj tački dnevnog reda riječ je dao direktoru Direkcije za koordinaciju policijskih tijela BiH Mirsadu Viliću kako bi se izjasnio o navodima iz svjedočenja zaposlenice Direkcije za koordinaciju policijskih tijela BiH i eventualno odgovorio na pitanja članova Nezavisnog odbora. Nakon izjašnjenja direktora Direkcije za koordinaciju policijskih tijela BiH, članovi Nezavisnog odbora nastavili su raspravu. Nakon rasprave, u kojoj su učestvovali svi članovi Nezavisnog odbora, jednoglasno je utvrđen odgovor koji će biti dostavljen Privremenoj istražnoj komisiji.

Ad. 4. Razno

U okviru ove tačke dnevnog reda predsjednik Nezavisnog odbora Enes Obralića istakao je da je Dom naroda Parlamentarne skupštine BiH dopisom broj: 02-50-6-16-24/22 od 27. 7. 2022. obavijestio ovo tijelo da nije usvojio Izvještaj o radu Nezavisnog odbora kao nezavisnog tijela policijske strukture Bosne i Hercegovine za 2021. godinu ni Plan rada Nezavisnog odbora kao nezavisnog tijela policijske strukture Bosne i Hercegovine za 2022. godinu. Obavještenje je primljeno k znanju.

Dalje, u okviru ove tačke dnevnog reda dogovoreno je da se u saradnji s predstavnicom Delegacije Evropske unije u Bosni Hercegovini Dijanom Stevanović putem programa TAIEX preda aplikacija za studijsku posjetu članova Nezavisnog odbora nekoj od zemalja Evropske unije, a koja bi podrazumijevala posjetu njihovom nezavisnom odboru. Za realizaciju i koordinaciju prilikom predaje aplikacije zadužuju se Miše Ćavar, prvi zamjenik predsjednika Nezavisnog odbora, Uroš Pena, drugi zamjenik predsjednika Nezavisnog odbora, i Muhamed Mujakić, član Nezavisnog odbora.

Predsjednik Nezavisnog odbora Enes Obralića zaključio je sjednicu u 18.40 sati.

SEKRETARKA
NEZAVISNOG ODBORA

Ivana Lovrić

PREDSJEDNIK
NEZAVISNOG ODBORA

Enes Obralića